

豫章叢書

第54冊

咸賓錄卷五

明 南昌 羅曰褰 尙之 著

西夷

吐蕃

吐蕃凡百餘種古曰西戎又曰西羌其先出自三苗國近南岳今荆楚溪洞中往往有竊發爲亂者詢之多爲苗姓大抵其遺種也舜時徙三苗于三危山三危去肅州數百里南接蜀漢徼外蠻夷西北接高昌諸國俗子妻母弟納嫂故國無鰥寡種類繁熾昔成湯伐畎夷武丁伐鬼方季厯伐西洛余無始呼騶徒

諸戎在文王時戎狄賓服武王時羌髡率師會於牧
野宣王時戎殺秦仲秦莊公破之幽王時申侯與戎
共攻殺王秦襄公伐之戎所從來久矣及平王遷都
洛邑避犬戎難於是戎逼諸夏自隴山以東及乎伊
洛往往戎夏雜居焉故有狄獯戎邾冀戎義渠戎大
荔戎驪戎陸渾戎陰戎蠻氏戎伊洛間有楊拒泉臯
戎春秋時間在中國與諸夏盟會邾冀戎魯莊公滅
之驪戎晉獻公滅之是時伊洛戎強侵曹魯入王城
秦晉伐之后二年復與襄王弟叔帶謀伐襄王齊桓
公使管仲平之嗣后秦晉楚趙強盛穆公得由余而

霸西戎悼公使魏絳和諸戎蠻氏從楚陸渾伊洛陰
戎事晉趙滅北夷秦滅大荔戎其遺脫者皆逃走西
踰汧隴於是中國無戎寇惟餘義渠種焉義渠勢力
强悍築城稱王秦輒爲其敗困秦昭王時義渠王朝
秦因與昭王母宣太后通生二子后宣太后誘殺義
渠王因起兵滅之始置隴西北地上郡焉至兩漢時
而西戎之種復盛先是戎人有爰劍者不知其出自
何戎或云舜封少子于戎地此其遺裔非三苗種也秦厲公時執爰劍爲奴
隸后亡歸偶與剽女遇於野遂爲夫婦女耻其狀被
髮覆其面羌人因以爲俗相與亡入賜支河湟間諸

羌推以爲豪於是教羌田畜種人依附者日衆爰劍
死四世有曰忍曰舞曰邛者並多納婦子各十餘各
自爲種自是苗裔漸熾至有百五十餘種或在賜支
河西或在蜀漢徼北其名號難以盡述也其中惟燒
當先零鍾羌參狼爲最强餘種特依之爲寇而已燒
當者忍第十四世孫也最豪健故其子孫世以燒當
爲種號云后始皇築長城及漢武築令居塞置張掖
古匈奴昆邪王地漢置酒泉郡今爲肅州衛燉煌古
張掖郡今爲甘肅州衛唐分爲瓜沙二州元失瓜州置沙
州地漢置燉煌郡唐分爲瓜沙二州元失瓜州置沙
州路本朝初置沙州衛正統中徙其衆于內地但名
存而武威郡米西涼府今涼州衛四郡隔絕羌胡於
已

是西垂得安而終燒當之身及其玄孫滇良累世服從獨先零結諸羌數數爲寇抄不絕迨趙充國降先零馮奉世降多姐等羌四夷賓服者數十年王莽篡位羌復入寇至附匈奴與漢相拒矣建武中來款馬援等破降之徙置天水隴西扶風三郡中元初燒當羌滇吾與弟滇岸寇隴西塞滇吾者滇良子也輒討之不能克至永平初竇固馬武等大破之無何滇岸滇吾降詣闕獻見而滇吾子東吾東吾子東號東號子麻奴俱入居安定世世奉約束如故獨東吾諸弟迷吾號吾等結諸羌數數爲寇頃之或降或滅勢亦

未至甚猖獗也至永初中諸降羌苦于豪吏徭役故
麻奴逃出塞而諸亡羌轉相嘯聚遂附滇零鍾羌諸
種大肆寇掠搗木爲兵負柴爲械載馬揚埃郡縣畏
懦不能制更招集參狼上郡西河諸種東犯趙魏南
入益州遂寇三輔斷隴道破郡縣滇零自稱天子於
北地雖鄧騭任尙任仁段熲段熲等討之漢兵輒挫
殺掠大慘自西戎作逆未有陵斥上國若斯其熾也
及滇零死子零昌立年幼小而同種狼莫爲其計策
輒入寇我輒討之無功而任尙用虛詡計輕騎擊之
又張喬招誘叛羌稍稍詣降時効功種名號封者刺

殺零昌封王全無種名雕何者刺殺狼莫封侯而號
多與當煎勒姐共脅諸種寇掠巴漢者賴程信并拔
稱蠻兵擊破之於是諸羌瓦解三輔益州無復寇警
矣迨永寧以后諸羌復結麻奴入寇而鍾羌又數反
頃之皆降馬賢之功居多及馬賢戰沒東西羌復大
合而燒當先零沈氏牛姐諸種相繼入寇頃之或降
或滅段熲之功居多自是厥后其種號世次莫可得
而考矣至西晉懷帝時有赤亭羌姚弋仲者乃爰劍
之苗裔也東徙榆眉戎夏祿負從之者數萬而子襄
及萇俱豪邁多勇略弋仲病謂其子襄曰中原無主

我死你亟自歸於晉無爲不義也及卒而襄遂率衆
來歸詔屯譙城會殷浩惡其強盛屢遣刺客刺之不
諧又潛遣魏憬襲襄不克襄心銜之未發也無何浩
伐秦以襄爲前驅襄僞遜伏甲邀之反攻浩於山桑
浩大敗歸免爲庶人復以桓溫督諸軍討襄襄連戰
敗退奔平陽招納叛民輒有圖關中之志秦遣兵攻
擊斬襄弟萇以衆降秦先是燕慕容暉降秦秦遷
暉并鮮卑衆四萬餘戶于長安及慕容泓起兵收集
鮮卑衆其勢遂盛秦遣苻融擊泓以姚萇爲司馬佐
之萇諫融曰鮮卑皆有思歸之志故起而爲亂宜驅

令出關不可遏也。獻勿從，果敗。歿，堅大怒，欲殺萇。萇逃奔渭北，糾扇羌豪五萬餘家，推萇爲盟主。萇自稱爲秦王，羌胡降者十餘萬。會秦苻堅攻西燕，敗奔五將山。萇遣人繼殺之，遂取長安，稱帝，號而勢赫。朕盛矣。萇卒，子興立。興卒，子泓立。泓爲人孱弱，無祖父風。劉裕遣王鎮惡討之，不戰而潰。遂降裕，至長安，送泓詣建康，斬之。而姚秦氏亡在魏晉初，西羌之地爲東胡、吐谷渾所併。語具元良哈志中。至隋，吐谷渾衰，時西羌地有党項、有犬羊、同有鄧至、有宕昌、有悉立、有章求、拔有泥婆羅、有蘇毗、有白蘭、有吐蕃、惟党項吐

蕃爲大唐初諸種盡爲吐蕃所併其地皆屬吐蕃矣
吐蕃者祖曰鶻提勃悉野未詳何種或曰南涼禿髮
利鹿孤之后二子曰樊尼曰俾檀俾檀嗣爲乞佛熾
磐所滅樊尼挈殘部臣沮渠蒙遜以爲臨松太守蒙
遜滅樊尼率兵西濟河逾積石遂撫有羣羌云其俗
謂疆雄曰贊丈夫曰普故號君長曰贊普不知幾傳
而至弄贊亦名弃蘇晨亦號弗夜氏其爲人慷慨才
雄嘗驅野馬犁牛馳刺之以爲樂西域諸國共臣之
太宗貞觀八年始遣使者來朝帝遣行人馮德立下
書臨撫弄贊聞突厥吐谷渾並得尙公主乃遣使齎

幣求婚帝不許使者還妄語曰天子遇我厚幾得公
主會吐谷渾王入朝遂不許殆有以間我乎弄贊怒
率羊同共擊吐谷渾吐谷渾不能抗走青海之陰盡
取其貨畜又攻主項白蘭羌破之勒兵二十萬入寇
松州命使者貢金甲且言迎公至謂左右曰公主不
至我且深入都督韓威輕出覘賊反爲所敗屬羌大
擾皆叛以應唐乃遣侯君集執失思力牛應達劉蘭
等四道出兵討之斬首千級弄贊始懼引而去以使
者來謝罪固請婚許之遣大論薛祿宗贊獻黃金五
千兩它寶稱是以爲聘十五年妻以宗女封文成公

主詔江夏王道宗持節護送弄贊率兵次柘海親迎
見道宗執婚禮恭甚見中國服飾之美縮縮媿沮歸
國自以其先未有昏帝女者乃爲公主築一城以夸
后世遂立宮室以居公主惡國人赭面弄贊下令國
中禁之遣諸豪子弟入國學習詩書又請儒者典書
疏永徽初弄贊死無子立其孫幼不事故祿東贊相
其國頃之破吐谷渾慕容諾曷鉢與弘化公主引殘
落走涼州踰年祿東贊死其子曰欽陵曰贊婆曰悉
多曰勃論祿兄弟並當國自是歲入寇盡破有諸羌
羈縻十二州復入羈縻十八州率于闐取龜茲撥換

城于是安西四鎮並廢詔遣將薛仁貴阿史那道真等出討吐蕃并護吐谷渾還國師凡十餘萬至大非川爲欽陵所拒王師敗績遂滅吐谷渾而盡有其地高宗上元初遣大臣論吐羅渾彌來請和且求與吐谷渾修好帝不聽明年攻鄯廓河芳疊扶六州唐遣將李敬立李孝逸劉審禮等擊之皆無功黑齒常之率死士五百夜斧其營虜驚自相躡藉而死者甚衆乃引去儀鳳初大首領贊婆素和貴率兵三萬攻河源屯良非川敬立與戰湟川敗績黑齒常之以精騎三千夜擣其營贊婆懼引去遂擢常之爲河源經略

大使乃嚴烽邏開屯田虜謀稍折初劍南度茂州之
西築安戎城以迤其鄙俄爲生羌導虜取之以守因
并西洱河諸蠻盡臣羊同党項諸羌其地東與松茂
嵩接南極婆羅門西取四鎮北拒突厥幅圓逾萬里
漢魏諸戎所無也則天時遣韋待價闕溫古討之兵
逗遛坐死復遣岑長倩往無功則天怒明年詔王孝
傑唐休璟阿史那忠節大發兵擊吐蕃破其衆復取
四鎮更置安西都護府于龜茲以兵鎮守未幾合突
厥兵南侵王孝傑敗走之明年攻臨洮又攻涼州殺
都督遣使者請和約罷四鎮兵求分十姓地武后詔

通泉尉郭元振往使道與欽陵遇元振曰東贊事朝廷誓好無窮今猥自絕歲擾邊父通之子絕之孝乎父事之子叛之忠乎欽陵曰狀狀天子許和得罷二國戍使十姓突厥四鎮各建君長俾其國自守若何使使者固請元振固言不可許后從之欽陵專國久嘗居中制事諸弟皆領方面兵而贊婆專東境幾三十年爲邊患兄弟皆才略沈雄衆憚之贊普器弩悉弄旣長欲自得國漸不平乃與大臣論巖等圖去之欽陵方提兵居外贊普託言獵卽勒兵執其親黨二千餘人殺之發使者召欽陵贊婆欽陵不受命贊普

自討之未戰欽陵兵潰乃自殺左右殉而死者百餘人贊婆遂率眾降唐封以王爵未幾贊婆死諸子爭立國人立弃隸踏贊爲贊婆始七歲其大臣數遣使求婚中宗不得已乃以雍王守禮女爲金城公主妻之遣楊矩持節送卽拜矩鄯州都督吐蕃外雖和而陰銜怒卽厚餉矩請河西九曲爲公主湯沐矩表與其地九曲者水甘草良宜畜牧近與唐接自是虜益張雄易入寇開元初其相塗達延將兵十萬寇臨洮入攻蘭渭掠監馬楊矩懼自殺玄宗遣薛訥王晙等并力擊之斬首萬七千級虜大敗眾奔突不能去相